

Odjel za zdravstvo okruga Kent Zalihe materijala za slučaj katastrofe Za vašeg kućnog ljubimca



HEALTH
DEPARTMENT
Caring today for a healthy tomorrow

Najgora stvar koja vam se može dogoditi je da se morate pripremati za slučaj opasnosti i nesreće kada jaki zamasi tornada počnu zavijati pred vašim vratima. Važno je imati već pripremljeni plan za vas i za vašeg kućnog ljubimca. Provjerite da li posjedujete pribor za slučaj opasnosti i nesreće za vašeg ljubimca *prije* nego što vi i vaši ljubimci uđete u kola u potrazi za skloništem. U suprotnom, možete se zajedno sa drugim vlasnicima životinja naći u situaciji kako se otimate oko oskudnih zaliha sa polica.

Zalihe materijala za slučaj opasnosti i nesreće za vaše kućne ljubimce treba da sadrže slijedeće:

- Lijekovi, pribor za prvu pomoć i zdravstvenu dokumentaciju pohranjene u nepromoćivoj kutiji. Dobro je pri ruci imati i priručnik za pružanje prve pomoći ljubimcu.
- Čvrste uzice, kaiševi i kavezi za sigurno prenošenje ljubimaca, iz kojih ne mogu pobjeći. Kavezi treba da budu dovoljno prostrani tako da životinje mogu u njima udobno stajati, okretati se i ispružiti se. Vaš će ljubimac možda morati provesti sate u tom kavezu, dok vi u svom skloništu čekate na prestanak oluje. Vodite računa da imate sigurni kavez bez nepotrebnih predmeta u njemu. Možda će biti potrebni pokrivači, ručnici, i drugo što će poslužiti kao posteljina ili za utoplavanje.
- Potrebno je da imate najnovije fotografije i opis vaših ljubimaca radi identifikacije u slučaju da se razdvojite, kako biste dokazali da pripadaju vama.
- Posude za hranu, pijesak i kutija sa pjeskom za mačke, ručni otvarač za konzerve, te dovoljno hrane i vode za

najmanje trodnevnu prehranu svakog pojedinog ljubimca. Spremite dovoljno unaprijed nekvarljive hrane, a dodajte svježu hranu u zadnji čas.

- Uputstva vezana za vrijeme hranjenja, zdravstveno stanje, probleme ponašanja, te ime i tel. broj vašeg veterinara za slučaj da morate negdje ili s nekim smjestiti vaše ljubimce.
- Krevete i igračke vaših ljubimaca kako biste im smanjili stres, a ako ih je lako ponijeti.
- Drugo što može biti od pomoći su: novine, papirnate ubruse, plastične kese za smeće, toaletni pribor i klor za domaćinstvo.

Nakon što sakupite sve ovo, držite to pri ruci, i spremite u čvrste kontejnere (putne torbe, kutije s poklopcem, kofere sa kotačima) koji se mogu lako prenositi.

Vjerovali ili ne, nabavka zaliha materijala za slučaj opasnosti predstavlja samo jedan korak ka pripremi vas i vašeg ljubimca za slučaj prirodne katastrofe ili neke druge opasnosti. Društvo za zaštitu životinja SAD-a (The Humane Society of the United States) ima na raspolaganju mnoge druge savjete, od pružanja privremenog smještaja sa prihvatom ljubimaca do postupka za vraćanje životinje kući nakon prestanka opasnosti. Možete ih naći na www.hsus.org.

Prerađeno na osnovu The Humane Society of the United States

©2004 Kent County Health Department
700 Fuller Ave NE
Grand Rapids, Michigan 49503
616/632-7100
www.accesskent.com